

SAN PEDRO

Jmo₅ Pe₄ si₂ a₂chein₃ ne₄ dsa₂ 'én₂

1 ¹ Jniá₂, Si₂mu₅₄ Pe₄, líng₅ dsa₂ i₂jme₂ti₃ ne₄ Jesucristo, ton'₂ líng₅ jan₂ i₂chen₄ quiáin₅. Jmo₂₃ si₂ carta la₂ a₂tsíng₂ ne'₅₄ 'nia'₂ i₂ma₂ca₂rē₃'éng'₂. Ia₁ tē₂le₃ a₂ñí₄ lē₃ dsen₃ Diú₄ quián₂ jniog₄ quiaín₅₄ Jesucristo i₂ma₂ca₂lió₂, ma₂ca₂ñi'₂ 'nia'₂ jág₁ dse₃ jlá'₁ a₂ca₂rē₃'éng'₂ jui₁lia'₂ 'éin₂ jnia'₅₄. ² Jui₁chan'₂ bá₄ 'nia'₂ jme₂gu'₅₄ Diú₄, ton'₂ jui₁jmo₁₂ bá₄ 'ei₅ tei₄ lia'₂ qui₂rē₂tsón₂ tē₂le₃ ia₁ a₂ma₂ca₂rē₃cuín'₂ 'nia'₂ 'a₂ lia'₂ lín₅ Diú₄ quian'₅₄ Jesucristo Te₁gui'₅₄ quián₂ jniog₄.

'A₂ lia'₂ dsi₂ten₅₄ lén₂ dsa₂ 'én₂

³ Diú₄ ma₂cuē₃ quian'₅₄ bí₂ quió'₅, ca₂le₃jē₃ a₂'nió'₅ quián₂ jniog₄ le₃chong₂, a₂léi₂ jniog₄ dsa₂ jnió₅ nē₃, ton'₂ ma₂jmo₃ ján₃ a₂ma₂ca₂rē₃cuín'₂ 'nia'₂ 'a₂ lia'₂ lín₅. Ma₂ca₂tē₃ jniog₄ tē₂le₃ quian'₅₄ jui₅bí₂ jlá'₁ quió'₅, 'uig₅₄ ia₁ a₂ñí₄ dse₃ dsí₅.^a ⁴ Le₂nē₅ ma₂ca₂quiog₂ 'lióng₂ jág₁ ca'₅₄ a₂quen₅ 'ñio₅ lín₃ quió'₅, ia₁jaun₂ tē₂le₃ quian'₅₄ jág₁ a₂ma₂cuē₃ jaun₂ dsi₁nó'₅ 'nia'₂ líóng'₂ jui₅ja₁tión₂ dsa₂ mi₂güí₃ja₁dsi₃'éin₂ 'uig₅₄ ia₁ a₂tsá₃ caun₂ 'ín₅ dsí₅, ton'₂ dsi₁nó'₅ 'nia'₂ lén₂ lia'₂ lín₅ Diú₄. ⁵ Jaun₂ lē₃, quen'₂ 'nia'₂ bí₂ ne₄ ia₁ a₂'éng'₂, quian₂ 'nia'₂ caun₂ jui₅ dse₃; ia₁jaun₂ ne₄ jui₅ dse₃ jaun₂, jui₁len'₅₄ 'nia'₂ dsa₂ i₂ñí'₂ dsí₅; ⁶ ne₄ja₁ñó₄ jaun₂ táng₃, jui₁le₂ñí'₂ 'au'₂ 'nia'₂ 'a₂ lia'₂ jme₁'uang'₅₄ 'au'₂ guiong'₅₄; ne₄ja₁ñó₄ jaun₂ táng₃, jui₁len'₅₄ 'nia'₂ dsa₂ i₂juín'₂ dsí₅; ne₄ jui₅ja₁ñó₄ jaun₂ táng₃, jui₁len'₅₄ 'nia'₂ dsa₂ i₂qui₂rē₂jín'₅₄ ne₄ Diú₄; ⁷ ja₁ñó₄ jaun₂, jmo₄ 'nia'₂ 'ua₁ 'au'₂; jē₁ca₂tó'₂ gué₄ nē₃, jme₁'nió₄ 'nia'₂ ríng'₂.

⁸ Ia₁ nē₁jua'₂ quian'₅₄ 'nia'₂ jui₅ le₂nē₅, dsi₂cang'₅₄, tsá₃ lē₅ jua'₅₄ a₂tsá₃ ta₁ tí₄ 'a₂ lia'₂ niog₅ chan'₂ 'nia'₂, tsá₃ jua'₅₄ a₂lē₁ma₂ca₂rē₃cuín'₂ 'nia'₂ Te₁gui'₅₄ Jesucristo quián₂. ⁹ Ia₁ jui₁lia'₂ dsa₂ i₂tsá₃ jme₂tin₅ dsí₅ le₃chain₂ lia'₂ con'₂ lē₅ jág₁ nē₅, lín₅ nē₂jag₄ bá₄ jan₂ dsa₂ ten₄, o₃ jan₂ dsa₂ i₂tsá₃ lín₄ uíng₂ jnió'₅, ia₁ ma₂ca₂i₃'én₂ bá₄ dsí₅ a₂jme₁ma₂le₁chí₄ quió'₅, ca₂le₃jē₃ dso₄ a₂jme₁rē₂cáin'₄ le₂jñiá₅. ¹⁰ Jaun₂ nē₃ 'nia'₂ rin'₅₄ jniog₄, dsen₅₄ 'au'₂ 'nia'₂ cuē'₅₄, ia₁jaun₂ bá₄ chi₁dse₃ ta₁ a₂ma₂ca₂tē₃ Diú₄ a₂ma₂quióin'₂ 'nia'₂. Ia₁ nē₁jua'₂ ca₂tión'₂ 'nia'₂ quian'₅₄ jui₅ nē₅, o₁líg'₂ tsá₃ ma₃tsi₃sén'₂ 'nia'₂. ¹¹ Ia₁ le₂nē₅ bá₄ tin'₃ 'nia'₂, caun₂ dse₃ ja₁o₁tong'₄ co₂tan₅₄ guei'₅₄ i₂juí₃ja₁gon₂ Te₁gui'₅₄ Jesucristo quián₂ i₂lió₂.

¹² Jui₁la₂ ma₂ñi'₅₄ 'nia'₂, la₁ co₂tan₅₄ bá₄ ca₂tín₂ jniá₂ juá'₄ ia₁jaun₂ bá₄ dsiog'₂ 'au'₂ 'nia'₂ náu'₁ tiá₂ jui₅ dsau₅ a₂ma₂tión'₂ 'nia'₂ ja₂nóg'₅. ¹³ Ia₁

^a3 A₂lin₅₄ chog₅₄ si₂: "Ma₂ca₂tē₃ jniog₄ a₂jme₁jnia₅ jui₅bí₂ jlá'₁ quió'₅ 'ñiog₅."

lín₂ jniá₂ 'ñi₃, 'ñio₅ lín₃ dsi₂ten₅₄, a₂juig₅₄ jniá₂ 'nia'₂ të₁lia'₂ chang₂ gué₄ ni₁ñi₃ la₂, jaun₂ dsio₂' 'au'₂ jág₁ në₅.¹⁴ Ia₁ a₂ma₂ca₂rë₃guion₅₄, ñi'₅₄ ta₁ bá₄ tí₄ ni₁ñi₃^b lia'₂ con'₂ lé₅ ma₂ca₂jme₃jnia₅ Jesucristo Te₁gui'₅₄ quián₂ jniog₄.¹⁵ La₁ quín'₅ jniá₂ bí₂ juá'₅ ia₁jaun₂ dsio₂' 'au'₂ 'nia'₂ co₂tan₅₄, jë₁ma₂jong₂₃, ca₂le₃jé₃ jág₁ në₅ ca₂juá'₃.

Dsa₂ i₂qui₂ca₂té₂ ne₄ 'a₂ lia'₂ lé₅ jui₅bí₂ quió'₅ Cristo

¹⁶ Ca₂le₃jé₃ a₂ma₂ca₂jme₁tag₅ jnia'₅₄ 'a₂ lia'₂ lé₅ jui₅bí₂ quió'₅ Te₁gui'₅₄ Jesucristo, 'a₂ lia'₂ lé₂ i₁guain'₂ táng₃, jaun₂ tsá₃ o₁len'₂ 'nia'₂ jua'₅₄ a₂líg'₂ jág₁ la₂ a₂lë₁qui₂ca₂'náu'₃ dsí₅ dsa₂ i₂ñí₄ 'io₅ mai₅₄ 'a₂ lia'₂ jme₃gau₂₃. Ia₁ guio₅₄ dsón'₂ bá₄ jnia'₅₄ ca₂té₂ ne₄ ton'₂ ca₂néi₄ jnia'₅₄ 'a₂ lia'₂ lé₅ jui₅bí₂ a₂ca₂jme₃jniai₂₃ a₂lín'₁.¹⁷ Ca₂jme₃juag'₂ Diú₄ Jmei₂ lia'₂ con'₂ jme₁ca₂né'₂ jág₁ jué'₂ quió'₅ jme₁ca₂juá'₂: “I₂la₂ bá₄ jón₃ quiáng₃ i₂ñí₄ lë₃ 'nióg₃ gué₄ lín₃; 'e₂ bá₄ 'ñio₂ dsi₃ quiain'₅₄.”^c ¹⁸ Le₂në₅ ca₂néi₁ jnia'₅₄ guio₅₄ jág₁ në₅ a₂ca₂já₃ guei'₅₄ i₂juíg₃, lia'₂ con'₂ jme₁quiain'₅₄ jnia'₅₄ ne₄ má'₂ jñi₃o₅ jaun₂.

¹⁹ Le₂në₅ bá₄ lé₅ chi₁dse₃ 'ñio₅ lín₃ bá₄ jág₁ ron₅ quió'₅ dsa₂ i₂jme₁'é₂ jág₁ quián₅ Diú₄ ma₂líg'₂. Jaun₂ 'nia'₂ në₃, dse₃ lín₃ bá₄ dsi₁nóg'₅ në₁jua'₂ ca₂tion'₂ 'nia'₂ jui₅, ia₁ lé₅ lia'₂ lé₅ caun₂ ni₁tsí₅ chi₁guí'₂ si₂ tág₅ jë₄ qui₁né'₃, ca₂lia'₂ ca₂jnia₃ ca₂lia'₂ ca₂'ñia₂ Nei₅ 'Ióg₁^d i₂jmo₃ tág₅ të₂'au'₂ 'nia'₂.²⁰ La₁ ne₄ ca₂le₃jé₃, dsá₂ 'au'₂ 'nia'₂ jmo₄ a₂la₂: 'i₁caun₂ jág₁ a₂rë₂'é₂ ne₄ Si₂ quió'₅ Diú₄ tsá₃ ca₂tó'₂ dsa₂ quián₅ Diú₄ jua'₅₄ 'a₂ con'₂ ca₂ñí'₂ dsí₅ guioin₅₄.²¹ Ján₃ bá₄ gué'₂ le₂jaun₂, tsá₃ jág₁ cha₂ jua'₅₄ ca₂rë₃lióg₃ 'uig₅₄ con'₂ 'ñio₂ dsí₅ dsa₂ mi₂güí₃. Dsa₂ 'éi₂ në₃, të₂le₃ ca₂dsia₃ bá₄ o₄quió'₄ Diú₄ lia'₂ con'₂ lé₅ ca₂jio₃ Jme₂dsí₂ Jñi₃o₅.

Dsa₂ i₂jme₂tag₅ jág₁ a₂tsá₃ tí₅

(Judas 4-13)

2¹ Le₂në₅ bá₄ ca₂rë₃chán₃ dsa₂ i₂jui₁gan₂ ján₃ i₂ca₂'é₂ jág₁ a₂tsá₃ tí₅ jín₄ dsa₂ juig₂ quián₅ Diú₄ ma₂líg'₂, le₂në₅ bá₄ qui₃'uín₃ jë₄ quián'₂ 'nia'₂ rë₂në₃ të₅ i₂qui₂jme₃gau₅. Dsa₂ le₂'éi₂, 'a₂ con'₂ tsá₃ jme₁li₅₄ mei'₂ jme₃tag₂₃ juá'₅ a₂tsá₃ tí₅ a₂jio₅ jui₅ ja₁dsi₃'én₂ dsa₂. Jmo₃ ca₂lia'₂ tsá₃ ma₃le₃ji'₅₄ 'éi'₃ quió'₅ Te₁gui'₅₄ i₂ca₂láu₂. La₁ tsá₃ ué₂ le₃léi₄ dsi₃'éin₂ bá₄ guioin₅₄.² Juin₅ lín₃ dsa₂ i₂'en₃ jui₅ ja₁tión₂ dsa₂ 'éi₂, jmo₅-dsáu₅ lia'₂ lé₂ dsí₅, jaun₂ 'éi₂ bá₄ 'uín₄ në₃ a₂qui₃táun₂ dsa₂ 'lig'₅₄ jui₅ tí₅.³ Ne₄ ia₁ a₂tsá₃ o₁jau₅₄ lí'₂ cu₄, qui₂jme₃tag₂₃ jág₁ a₂qui₂ma₂'náu'₃ dsí₅ guioin₅₄, a₂con'₂ jñia'₅₄ lë₁'nio₃ lí'₂ quián'₂ 'nia'₂. La₁ ma₂i₁jaun₃ bá₄ ma₂lé₅ co₂jñia₅₄ jág₁ a₂ma₂tioin'₅₄ 'éi'₃ a₂dsi₁qui₅ ñi'₅₄ ta₁ ja₁dsi₃'éin₂; tion₅₄ bá₄ dsi₃'éin₂.

^b13,14 lit. “tabernáculo la₂.”

^c17 Mateo 17:5; Marcos 9:7; Lucas 9:35.

^d19 Nei₅ 'Ióg₁ lé₅ caun₂ 'a₂ lia'₂ chen₂ Jesús. 'Nio'₂ ja₁ton₅ Apocalipsis 2:28; 22:16.

⁴ Chi₂jua'₂ le₂nē₅ tsá₃ ca₂'én₂ Diú₄ dsáu₁ ángeles i₂ca₂sén'₂ dso₄ ma₂líg'₂, i₃gain'₅₄ bá₄ guio₃-juíg₃ i₃lén₂ le₁'ñei'₅₄ jë₄ qui₁né'₃, ja₁jaun₂ tioen'₅₄ lé₅ co₂jñia₅₄ jmi_g₄ i₁të₃dsi'₅₄ 'éi'₃ quió'₅; ⁵ ján₃ bá₄ le₂nē₅ chi₂jua'₂ tsá₃ ca₂'én₂ Diú₄ dsáu₁ dsa₂ i₂jme₁chan₂ mi₂güí_g₃ gui'₅₄ ma₂líg'₂, tion₅₄ bá₄ ca₂jme₃cain'₂ jmi_g₂ ca₂'éin₂ ca₂le₃jín₃ dsa₂ i₂tsá₃ Diú₄ cuin₅, jñia'₅₄ lia'₂ Noé bá₄ i₂ca₂lióin₂ i₂jme₁'ë₂ jág₁ a₂'ë₂₃ caun₂ jui₅ co₂dsau₅, quian'₅₄ gué₄ guion₃ dsa₂; ⁶ chi₂jua'₂ le₂jaun₂ bá₄ ján₃, ca₂'én₂ Diú₄ le₃tin₃ juig₂ Sodoma quian'₅₄ Gomorra, ca₂dsí'₂ ca₂lia'₂ ca₂lë₃ jua₂ li₁, jaun₂ le₂nē₅ jáng'₅ caun₂ jág₁ dsau₅ co₂'nió'₄ a₂rë₂'ë₂ jág₁ ja₁con₂ dsa₂ i₂tsá₃ Diú₄ cuin₅ i₂qui₂le₃chan₂ cang₂; ⁷ chi₂jua'₂ le₂nē₅ ca₂lióin₂ bá₄ jan₂ Lot, i₂jme₁lín₄ gué₄ dsa₂ dsen₃ jme₁chain₂ quian₅ o₂i₁ dsi₅ ia₁ jme₁të₅ ne₅₄ 'a₂ lia'₂ lé₅ jui₅ le₁quian₅ dsa₂ 'lín'₅₄ jmi_g₄ jaun₂, ⁸ (jaun₂ jme₁ta'₂ qui'₂ dsi₅ bá₄ dsa₂ dsen₃ 'éi₂, ia₁ ca₂le₃jë₃ jmi_g₄ bá₄ jme₁të₅ ne₅₄, jme₁nag₂₃ né₃ ca₂le₃jë₃ ne₅₄ cosa 'lig'₅₄ a₂jme₁jmo₅-dsáu₅ dsa₂ juig₂ ja₁jme₁guá₄); ⁹ chi₂jua'₂ le₂nē₅, jaun₂ ñi₅ bá₄ Te₁gui'₅₄ 'a₂ lia'₂ lióin₃ dsa₂ dsen₃ ne₄ 'e₂ táu₂ dsi₂ñí₂, ton'₂ ñi₅ 'a₂ lia'₂ toin'₂ dsa₂ 'lín'₅₄ lé₅ 'í₁ ca₂lia'₂ ca₂të₂ jmi_g₄ i₁gue₃ uig₅ i₁të₃dsi'₅₄ 'éi'₃ quió'₅.

¹⁰ A₂nē₅ né₃, lé₅ caun₂ jág₁ tí₅ dsón'₂ a₂jáng'₅ jág₁ dsau₅ ja₁con₂ jui₁lia'₂ dsa₂ i₂i₂nio₄ jme₂ti₃ a₂'lig'₅₄ a₂mi₅ ni₁ñi₁₂, co₂'nió'₄ quió'₅ dsa₂ i₂tsá₃ ji'₅₄ 'éi'₃. I₂nioi₅₄ 'ñio₅ lín₃ táin'₅, 'nio₃ jua'₅₄ 'éi'₃ quió'₅ 'éi₂ bá₄ lé₂, ton'₂ 'ñio₅ lín₃ tiá₂ dsi₅ 'e₂ caun₂ a₂'nio₃ jmo₃; tsá₃ gó'₅ táun₂ 'lig'₅₄ 'iin₂₃ jui₁lia'₂ i₂jlán'₁ chan₂ quián₅ Diú₄, ¹¹ jui₁la₂ ángeles i₂'io₅ gué₄ bí₂, i₂'uan'₂ gué₄, tsá₃ le₂jaun₂ tiá₂ dsi₅ jua'₅₄ 'ag₃ 'lig'₅₄, a₂'nii₃ dsa₂ 'éi₂ ne₄ Te₁gui'₅₄.

¹² La₁ dsa₂ 'éi₂, lín₅ jui₁lia'₂ lín₅ já'₂ náu₂ i₂tsá₃ 'en₅₄ dsi₅, chain₂ tsá₃ 'e₂ ñí'₂ dsi₅ 'e₂ jmo₅-dsáu₅, rë₂chain₂ a₂jñia'₅₄ con'₂ tsáun'₂ dsa₂ jme₃dsiog₂₃. Të₃jñiá₅ bá₄ ma₂'ë₂₃ 'lig'₅₄ 'e₂ a₂tsá₃ ma₂ñí'₂. La₁ le₂jaun₂ bá₄ dsiáin₃ ján₃ jui₁lia'₂ dsan₂ já'₂ náu₂. ¹³ Le₃chain₂ nág₃ uig₅ co₂'nió'₄ 'liain'₅₄ jui₁lia'₂ qui₂ma₂jmaí'₂ i₂sián'₂. Jmo₂₃ dsi₅ 'ñio₅ lín₃ dse₃ chain₂ lín₂ ia₁ cué'₅ o₂'ñio₃ o₂jñia₃ dsi₅ o₁jñia'₅₄ a₂jmi₂. Lín₅ dsa₂ 'éi₂ co₂'nió'₄ caun₂ 'mé'₅ 'lig'₅₄ a₂rë₂'ió₄ a₂quian₅ o₂guí'₃ jë₄ quián'₂ 'nia'₂, 'ñio₅ të₅ dsi₅ cué'₅ o₂'ñio₃ dsi₅ a₂jme₂gau₂₃ tóin'₅ jmo₂₃ jmi_g₄ jin'₄ 'nia'₂.

¹⁴ Co₂tan₅₄ lia'₂ ma₂dsi₂jio_g₅ dsi₅ 'lig'₅₄ bá₄ jë₁ma₂ca₂jín₂ jan₂ dsa₂ mí₂, tsá₃ mag'₂ dsi₅ jua'₅₄ a₂tsá₃ 'no₂₃ dso₄; 'ñio₅ lín₃ 'io₂₃ mai₅₄ ñi₅ 'a₂ lia'₂ jme₃gain₂₃ dsi₅ jui₁lia'₂ dsa₂ 'uan₅₄ i₂tsá₃ tiá₂ tión₂; 'ñio₅ lín₃ tiin₂ ñi₅ táng₃ 'a₂ lia'₂ jme₃'ñioí'₃ 'e₂ caun₂ 'nio₃ jme₃'ñioí'₃; ia₁ lín₅ jaun₅ i₂ma₂tion'₅₄ jui₅ dsi₃'én₂. ¹⁵ Ma₂qui₂ma₂tí₄ jui₅ co₂dsau₅, ton'₂ ma₂i₂cóin'₅, ma₂qui₂le₁quian₅ jui₅ quió'₅ Bala'am^e ja₁ñi'₅₄ Beor, i₂'éi₂ jme₁'nio₃ lí'₂ cu₄ quian'₅₄ caun₂ a₂'lig'₅₄ a₂jme₁jmo₃. ¹⁶ Jan₂ dsi₂bú'₄ i₂tsá₃ lé₂ dsia₃ jág₁ bá₄ ca₂jí₂ quió'₅ 'uig₅₄ dsáu₁, ia₁ já'₂ 'éi₂ ca₂'ñiai₂ jág₁ lia'₂

^e15 Bala'am: 'Í₂ Números 22-24.

lé₅ jag₄ dsa₂ mi₂güí_{g3}. Ca₂jné₃ jui₅ co₄ quió'₅ dsa₂ i₂'é₂ jág₁ quián₅ Diú₄ 'éi₂.

¹⁷ Dsa₂ 'éi₂ lín₅ jui₁lia'₂ lé₅ caun₂ o₄tu₁ jmi_{g2} a₂tsá₃ 'e₂ jmi_{g2} cha₂; o₃ le₃jua'₅₄ lín₅ jui₁lia'₂ lé₅ ti₁jnei₅ a₂lë₁qui₂ñag₅ tiá₂ quian'₅₄ dsí₂. Ma₂toin'₅₄ jui₅ a₂dsi₁lein₅ jë₄ qui₁né₃ 'ñio₅ lín₃, ja₁ma₂lé₅ co₂jñia₅₄ quió'₅.^f ¹⁸ Ia₁ qui₂'ué₅ mi₂'o₅₄ jág₁ tá₅ a₂tsá₃ ta₁ tí₄, qui₂cáin₂ dsa₂ a₂jmo₃ dsó₃ a₂jme₃ti₃ a₂'ín₅ dsí₅ ni₁ñi₁₂; qui₂jme₂gain₂₃ dsa₂ i₂lag₃ ma₂lión₂ o₄gú₃ dsa₂ i₂le₁quian₅ jui₅ a₂ma₂i₂cóin₅. ¹⁹ Qui₂cué₂₃ jág₁ a₂juá'₂ a₂lió₂, la₁ guioin₅₄ gué'₂ né₃ i₂nioi₅₄ le₁'ñei₅₄ jui₅ ja₁dsi₃'éin₂. Ia₁ le₂jaun₂ dsón'₂ lé₅ bá₄, lé₂ le₃jua'₅₄ chi₁'ñe'₅₄ dsa₂ ne₄ jui₁'e₂ caun₂ jui₅ 'lig'₅₄ a₂quian₅, ia₁ dso₄ jaun₂ ca₂lë₃ jui_{g54} bá₄ dsa₂. Ia₁ a₂jaun₂ jio_{g5} jmo₅ 'éi'₃ ja₁coin₂.

²⁰ La₁ jui₁lia'₂ dsa₂ i₂ma₂ca₂rë₃cuin₅ Te₁gui'₅₄ Jesucristo i₂lín₅ i₂ma₂ca₂lió₂ quió'₅ ne₄ jui₅ lë₁'iog₅ a₂le₁quian₅ dsa₂ mi₂güí_{g3}, la₁ në₁jua'₂ siá'₂ ca₂dsi₃lein₅ ca₂guioin'₂ táng₃ quian'₅₄ a₂'lig'₅₄, o₃ në₁jua'₂ ca₂jme₃gón₃ táng₃ a₂'lig'₅₄ jaun₂ të₂dsí₅, dsi₁lein₅ tsón₂ gué₄ le₃'lín₅₄ con'₂ gué₄ le₂jñiá₅.^g ²¹ Jui₁lia'₂ dsa₂ le₂'éi₂, ja₂lín₃ gué₄ dse₃ jua'₅₄ co₂ñei₅₄ bá₄ tsá₃ ca₂rë₃cuí'₅ jui₅ co₂dsau₅, lia'₂ con'₂ gué₄ a₂ma₂ca₂rë₃ñi₅, në₁jua'₂ cang₂ jaun₂ ca₂tí₂ bá₄ táng₃ 'éi'₃ jñiós₅ a₂jme₁ma₂ñi₂.^h ²² La₁ ja₁jaun₂ rë₃ti₃ quian'₅₄ dsa₂ le₂'éi₂ jui₁lia'₂ lé₅ caun₂ jag₄ dsa₂ jme₁juá'₂: “Gué₅ táng₃ dsi₂jí₅₄ te₁ñi₅₄ quió'₅”,ⁱ con'₂ siá'₂ táng₃: “Jui₁lia'₂ i₂ñí₅ i₂lia'₂ ma₂në₂sei₃ dsa₂, dsó₅ qui₂ba₂lín₂ táng₃ jë₄ ti₁jéin₃.”

Jmíg₄ i₁jñiós₂ Te₁gui'₅₄

3 ¹ 'Nia'₂ rin'₅₄ jniog₄ i₂'niós₃, jë₁ca₂té₂ tin₃ si₂ bá₄ la₂ tsíng₂ ne'₅₄ 'nia'₂. Jë₁le₃tin₃ si₂ në₅ ma₂ca₂jme₁jñio₂ jñiá₂ ne'₅₄, ma₂ca₂jmo₃ dsá₂ 'au'₂ a₂dsi₃jio_{g5} 'au'₂ jmá'₃ lia'₂ a₂le₁jé₃. ² Jui₁dsiog'₂ 'au'₂ 'nia'₂ ca₂le₃jé₃ jág₁ a₂qui₂ca₂juá'₂ dsa₂ jñiós₅ i₂jme₁'é₂ jág₁ quián₅ Diú₄ ma₂líg'₂ quian'₅₄ gué₄ 'éi'₃ a₂ca₂quiog₂ Te₁gui'₅₄ i₂ma₂lió₂ jniog₄, a₂ma₂ca₂ñag₅ ja₁con'₂ 'nia'₂ të₂le₃ quian'₅₄ dsa₂ i₂chen₄ quiáin₅. ³ Jë₁le₂'uig₅₄ jmo₄ 'nia'₂ dsá₂ 'au'₂ a₂juá'₅ jñiá₂ la₂. Jmíg₄ jë₁ca₂tó₂ të₁ja₃lén₂ dsa₂ i₂caun₂ lë₁qui₃táun₂ 'lig'₅₄, le₃chain₂ jmá'₃ lia'₂ jñia'₅₄ con'₂ lë₂ 'ín₅ dsí₅ guioin₅₄. ⁴ Dsa₂ 'éi₂ ñag₃, juá'₂: “¿'E₂ ca₂lë₃ quian'₅₄ jág₁ a₂ron₅, a₂juá'₂ 'nia'₂ a₂guan'₂ táng₃ Cristo? Ia₁ ca₂le₃ ca₂dsan₃ dsa₂ can'₅₄ quián₂ jniog₄, jua'₂ lia'₂ ma₂lé₅ jaun₂ bá₄ mi₂güí_{g3} lia'₂ con'₂ lé₅ jme₁ca₂nio₃ le₂'uig₅₄.” ⁵ La₁ a₂ta₁ dsí₅ bá₄ dsa₂ 'éi₂ tsá₃ 'nio₃ le₃ñí'₂, a₂ca₂lë₃ të₂le₃ quian'₅₄ jág₁ quió'₅ Diú₄ dsi₄ guei'₅₄ mi₂güí_{g3} ma₂líg'₂, quian'₅₄ gua'₅₄ 'uë₃, quian'₅₄ jmíg₂ a₂ca₂jmo₃ jma₃quén₅ gua'₅₄ 'uë₃ quian'₅₄ jmíg₂ né₃. ⁶ Ton'₂ quian'₅₄

^f17 Niog₅ a₂lín₅₄ chog₅₄ si₂ a₂juá'₂: “ja₁ma₂lé₅ co₂jñia₅₄ ja₁dsi₁toin'₄ co₂tan₅₄.” 'Nio'₂ ja₁ton₅ Judas 13.

^g20 'Nio'₂ ja₁ton₅ Mateo 12:45; Lucas 11:26.

^h21 'Nio'₂ ja₁ton₅ Hebreos 6:4-6.

ⁱ22 Proverbios 26:11.

jmig₂ bá₄ ján₃, ca₂'én₂ Diú₄ mi₂güí₃ jmig₄ jaun₂. ⁷ Ján₃ bá₄ le₂në₅, tē₂le₃ quian'₅₄ já₁g₁ quió'₅ 'ñiog₅ bá₄ Diú₄, dsi₄ guei'₅₄ quian'₅₄ gua'₅₄ 'uë₃, ron₅ ma₂lë₅ co₂jñia₅₄ a₂cáu₃ jē₁ma₂tē₂ jmig₄ i₁qui₃dsi₅ Diú₄ 'éi'₃ i₁'éin₂ co₂ñei'₅₄ dsa₂ i₂tsá₃ Diú₄ cuin₅.

⁸ Con'₂ siá'₂ rin'₅₄ jniog₄, tsá₃ jui₁dsi₂'én₂ 'au'₂ 'nia'₂, ia₁ tē₂le₃ quió'₅ Te₁gui'₅₄, lé₅ caun₂ jmig₄ co₂'nió'₄ caun₂ mei₅ ñi₂; ton'₂ caun₂ mei₅ ñi₂ guē'₂, lé₅ co₂'nió'₄ caun₂ jmig₄. ⁹ La₁ tsá₃ o₁lei₅₄ jniog₄ jua'₅₄ a₂jme₂'ag₄ Te₁gui'₅₄ a₂jme₃ti₃ já₁g₁ quió'₅, jui₁lia'₂ lín₂ i₂lín₅₄; a₂jmo₂₃ juin'₂ dsí₅ bá₄ ja₁con'₂ 'nia'₂, ia₁ 'nio₃ jua'₅₄ 'i₁jan₂ bá₄ tsá₃ 'ein₂ dsi₃'én₂, 'nio₃ jua'₅₄ ca₂le₃jñ₃ bá₄ dsi₁quén'₅ dsí₅.

¹⁰ Ia₁ jmig₄ jaun₂ quió'₅ Te₁gui'₅₄ guá₂ con'₂ tsá₃ 'ein₂ rē₂ján₁, lé₂ jui₁lia'₂ ja₁'í₂ jan₂ 'ang₂. Jaun₂ guē₄ tē₃tsi'₅₄ co₂mi'₅₄ gau₂ lín₃ lé₂ dsi₃'én₂ dsi₄ guei'₅₄; qui₂dsi₃'én₂ ca₂le₃jē₃ a₂cha₂ qui₃jmág₂ quian'₅₄ si₂; lia'₂ rē₂cuá'₃ gua'₅₄ 'uë₃ lé₂, lia'₂ jma₃quian'₅₄ 'e₂ niog₅ ca₂jmo₃ dsa₂ ja₁jaun₂.

¹¹ Chi₂jua'₂ le₂në₅ dsi₃'én₂ ca₂le₃jē₃, i'e₂ guē₄ 'ñio₅ lín₃ dsi₂ten₅₄ 'nió'₅ jmó'₂ 'nia'₂ dsen₅₄ 'au'₂ le₃chang'₂ jñió₅, a₂'nióg'₃ Diú₄! ¹² Jmo₄ 'nia'₂ co₂jñiag'₅₄ rē₂jáng'₁ ia₁jaun₂ ñi'₅₄ ta₁ guá₂ jmig₄ jaun₂ quió'₅ Diú₄. Jmig₄ jaun₂ guei'₅₄ mi₂güí₃ qui₂dsi₃'én₂ quian'₅₄ si₂, ca₂le₃jē₃ 'e₂ a₂cha₂ qui₃jmág₂ jē₁ma₂ca₂dséi₃ 'ñio₅ lín₃. ¹³ La₁ jniog₄ nē₃, le₁jñia₁ dsi₁no₃ caun₂ guei'₅₄ i₂juí₃ 'mí₂ quian'₅₄ caun₂ gua'₅₄ 'uë₃ 'mí₂ ja₁ma₂lē₅ já₁g₁ cuē₃ Diú₄, ja₁tē₂'ñiá₄ jmá₃ a₂jñiós.

¹⁴ Le₂në₅ jaun₂ nē₃ rin'₅₄ jniog₄, tē₁lia'₂ tsá₃ ma₂tē₂ jmig₄ jaun₂, quen'₂ 'nia'₂ bí₂ ia₁jaun₂ bá₄ dsio₂'g₂ Diú₄ qui₂le₁'ág₄ bá₄ tei₄ 'au'₂ 'nia'₂, tsá₃ 'e₂ cha₂ jua'₅₄ lé₅ qui₂rē₂'ióg₄ jme₂dsí₂ quiáng'₂, jua'₅₄ a₂rē₂cán'₄ 'nia'₂ dso₄.

¹⁵ Jmo₄ 'nia'₂ 'au'₂ a₂juin'₂ dsí₅ bá₄ Te₁gui'₅₄ ia₁jaun₂ cuin₅ jmig₄ lión'₂ 'nia'₂. Le₂në₅ bá₄ ján₃, Pa₄ rin'₅₄ jniog₄ ma₂dsiáin'₂ si₂ ne'₅₄ 'nia'₂, con'₂ lé₅ ma₂ñí'₂ dsí₅ a₂ma₂ca₂cuē₃ Diú₄. ¹⁶ Jē₄ ca₂le₃jē₃ Si₂ quió'₅, ma₂ca₂tsí'₃ 'nia'₂ ján₃ ca₂le₃jē₃ a₂në₅, o₁jñia₅₄ la₂ juí'₅ le₃ñág'₂ a₂lín₅₄; 'uig₅₄ jaun₂ dsa₂ i₂tsá₃ lín₄ ñí'₂ dsí₅ i₂tsá₃ tiá₂ tión₂, le₃jen₅ bá₄ jme₂tiin₂₃ dsa₂, ján₃ bá₄ le₂jaun₂ ca₂le₃jē₃ guē₄ rin'₅₄ Si₂ quió'₅ Diú₄ nē₃, la₁ a₂'uiin₅₄ guioin₅₄ bá₄ a₂dsi₃'éin₂ ia₁ a₂jmo₂₃ le₂jaun₂.

¹⁷ Jaun₂ lē₃ 'nia'₂ rin'₅₄ jniog₄, ia₁ tē₃jñiá₅ bá₄ ma₂le₁ñi'₅₄ 'nia'₂ 'a₂ lia'₂ niog₅ lé₂, jmo₄ 'nia'₂ 'í₁ ia₁jaun₂ tsá₃ qui₃tsag'₂ dsa₂ 'lín'₅₄ i₂jme₂gau₅, jaun₂ tsá₃ sén'₂ 'nia'₂ jui₅ ja₁tióng'₂ tiá₂. ¹⁸ La₁ jui₁dsi₂can'₅₄ bá₄ 'nia'₂ jui₅ ja₁'ua₁ dsí₅ Te₁gui'₅₄ Jesucristo quián₂ jniog₄ i₂ma₂lió₂, jaun₂ dsi₁nó'₅ 'nia'₂ le₃cuin'₂ guē₄ dse₃. 'Éi₂ bá₄ ca₂tín₂ le₃juin'₂, jmig₄ nē₃, co₂tan₅₄. iA₂méi₃!

Co₂në₅.

^j10 A₂lín₅₄ chog₅₄ si₂: “qui₂dsi₃'én₂ cáu₃.”